

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

23.11.2018թ.

ք.Երևան

Հարկադիր կատարումն ապահովող ծառայության Երևան քաղաքի Էրեբունի-Նուբարաշեն բաժնի հարկադիր կատարող՝ արդարադատության ավագ լեյտենանտ Հայկ Հակոբյանս, ուսումնասիրելով 23.11.2018թ. վերսկսված թիվ 04190721 կատարողական վարույթի նյութերը

Պ Ա Ր Զ Ե Ց Ի

ՀՀ Երևան քաղաքի Էրեբունի և Նուբարաշեն վարչական շրջանների ընդհանուր իրավասության դատարանի կողմից 30.11.2017թ. տրված թիվ ԵԷԴ/2225/02/17 կատարողական թերթի համաձայն պետք է Արմեն Ռազմիկի Ղազարյանից հոգուտ «Հայէկոնոմբանկ» ԲԲ ընկերությանը բռնագանձել 3.688,89 ԱՄՆ դոլարին համարժեք ՀՀ դրամ պարտքի գումար և 39.570 ՀՀ դրամ որպես նախապես վճարված պետական տուրքի գումար:

Արմեն Ռազմիկի Ղազարյանից հոգուտ «Հայէկոնոմբանկ» ԲԲ ընկերության բռնագանձել՝ սկսած 24.05.2017թ.-ից ժամկետային վարկի մնացորդի գումարի վրա մինչև ժամկետային վարկի սահմանված մարման ժամկետները տարեկան 15%-ի չափով հաշվարկվող տոկոսի գումարները, սկսած 24.05.2017թ.-ից մինչև չվճարված ժամկետանց վարկային պարտքի գումարների փաստացի մարման օրը, ժամկետանց վարկի և տոկոսների մնացորդ պարտքի գումարների վրա օրական 0,1 տոկոսի չափով հաշվարկվող տույժի գումարները:

Բռնագանձումը տարածել 02.09.2014թ. կնքված թիվ 14-141 Ա/ կոշտ գրավի պայմանագրով Բանկում գրավադրված «TOYOTA CAMRY HYBRID 2.4» մակնիշի, 2007 թվականի արտադրության, նույնականացման համարը՝ JTNBB46K573039223, ավտոմեքենայի վրա:

Կատարողական գործողությունների ընթացքում գրավադրված «TOYOTA CAMRY HYBRID 2.4» մակնիշի մեքենան «ԱՄԻՆՏԱՍ ԳՐՈՒՊ» ՍՊ ընկերության կողմից գնահատվել է 2.600.000 ՀՀ դրամ:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Պարտապան Արմեն Ռազմիկի Ղազարյանին պատկանող գրավադրված ներքոհիշյալ գույքը

Խ/Խ	Լրտի անվանումը նկարագիրը	գնահատման գինը	մեկնարկային գինը	Գույքի քանակը
1	Ավտոմեքենա «TOYOTA CAMRY HYBRID 2.4» մակնիշի 71 FQ 777 պ/հ: Տրանսպորտային միջոցի տեսակը՝ թեթև մարդատար, թափքի տեսակը՝ սեղան, գույնը՝ սպիտակ, թողարկման թիվը՝ 2007թ., նույնականացման համարը /VIN/ JTNBB46K573039223, շարժիչի հզորությունը՝ 2.ՈՒ. 147, Վազք՝	2.600.000 ՀՀ դրամ	1.950.000 ՀՀ դրամ	1

231766 կմ, սրահը՝ կաշվեպատ, փոխանցման տուփը՝ ավտոմատ, ընդհանուր վիճակը՝ միջին: Վթարված է, վնասված է հետևի աջ լուսարձակը, թափարգելը, անվաթևը և բեռնախցիկի դուռը: Բացակայում է մեքենայի պետ համարանիշի և տեխանձնագիրը:			
---	--	--	--

Ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ **harkadir.ajurd.am** միջոցով: Հարկադիր էլեկտրոնային աճուրդի սկիզբը՝ **14.01.2019թ.**

Որոշման պատճենն ուղարկել կողմերին:


Որոշումը կարող է բողոքարկվել դատական կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

Հարկադիր կատարող՝

Հ.Հակոբյան

ազգանուն




ստորագրություն

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լուծի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուծի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լուծի մասին ծանուցումը:

Եթե աճուրդը չի կայացել գնորդ չլինելու կամ լուծի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լուծի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուծի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լուծի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լուծի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լուծի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լուծը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լուծը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լուծը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լուծի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: